

**BOSNA I HERCEGOVINA
FEDERACIJA BOSNE I HERCEGOVINE
REGISTAR VRIJEDNOSNIH PAPIRA U
FEDERACIJI BOSNE I HERCEGOVINE**

Broj: 04-3-1910/26
Sarajevo, 19.03.2026. godine

Na osnovu člana 70. stav 3. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), Pravilnika o javnim nabavkama broj: 04-3-NO-108-7998/24 od 03.10.2024. godine, Plana nabavki za 2026. godinu broj: 04-3-9050/25 od 23.12.2025. godine, Zapisnika Komisije za provođenje postupka javne nabavke u Registru vrijednosnih papira FBiH d.d. Sarajevo o pregledu i ocjeni ponuda broj: 04-3-1909/26 od 19.03.2026. godine, te člana 51. Statuta Registra vrijednosnih papira u Federaciji Bosne i Hercegovine ("Službene novine Federacije BiH", br. 59/23), direktorica Registra vrijednosnih papira u F BiH d o n o s i

**ODLUKU
O IZBORU PONUĐAČA A&M COMPANY D.O.O. SARAJEVO
ZA NABAVKU USLUGA ČIŠĆENJA POSLOVNIH PROSTORIJA REGISTRA**

I

Ovom Odlukom prihvata se ponuda ponuđača „A&M Company“ d.o.o. Sarajevo za nabavku usluga čišćenja poslovnih prostorija Registra dostavljena provođenjem konkurentskog zahtjeva sa objavom obavještenja na portalu javnih nabavki. Ponuda ponuđača „A&M Company“ d.o.o. Sarajevo zaprimljena je u Registru pod brojem 04-1375/26 dana 23.02.2026. godine.

II

Cijena za usluge iz tačke I ove odluke iznosi 7.948,00 KM bez PDV-a na godišnjem nivou.

III

Registar će sa izabranim ponuđačem zaključiti Ugovor za nabavku usluga čišćenja poslovnih prostorija Registra kojim će se regulisati međusobna prava i obaveze.

IV

U skladu sa članom 70. stav 6. Zakona o javnim nabavkama, Ugovorni organ objavit će ovu odluku na svojoj internetskoj stranici www.rvp.ba, istovremeno sa upućivanjem iste ponuđaču koji sudjeluje u ovom postupku.

V

Ova Odluka stupa na snagu danom donošenja i dostavlja se ponuđaču koji sudjeluje u postupku javne nabavke, saglasno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluga čišćenja poslovnih prostorija Registra putem konkurentskog zahtjeva broj: 04-3-1101/26 od

12.02.2026.godine. Javna nabavka je provedena putem konkurentskog zahtjeva, čija procijenjena vrijednost iznosi 8.000,00 KM bez PDV-a.

Obavještenje o nabavci broj 96-7-2-12-3-2/26 od 13.02.2026. godine je objavljeno na portalu javnih nabavki 13.02.2026. godine i u „Službenom glasniku BiH“ broj 13/26 od 20.02.2026. godine.

Komisija za javne nabavke je blagovremeno izvršila javno otvaranje pristiglih ponuda dana 24.02.2026. godine i sačinila Zapisnik sa otvaranja ponuda koji je proslijeđen ponuđačima koji su učestvovali u postupku.

Registar vrijednosnih papira u FBiH d.d. Sarajevo je donio Odluku o izboru ponuđača „Miško-Group“ d.o.o. Žepče za nabavku usluga čišćenja poslovnih prostorija Registra broj 04-3-1492/26 od 26.02.2026. godine. Po dostavljanju iste ponuđačima izvršena je naknadna provjera te je utvrđeno da je ponuda ponuđača A&M Company d.o.o. Sarajevo pogrešno ocijenjena kao neprihvatljiva. Ponuđač u svojoj ponudi nije dostavio Aneks 3 – Povjerljive informacije, a u tenderskoj dokumentaciji za nabavku usluga čišćenja poslovnih prostorija broj: 04-3-1101/26, u tački 8.5.1., navedeno je da ukoliko ponuđač ne dostavi Obrazac povjerljivih informacija ili dostavi nepopunjen obrazac, znači da iste nema i njegova ponuda po tom osnovu neće biti proglašena neprihvatljivom. Stoga prethodna ocjena ponude kao neprihvatljive nije bila u skladu sa zahtjevima tenderske dokumentacije. Radi osiguranja zakonitosti postupka, transparentnosti i pravilne primjene Zakon o javnim nabavkama Bosne i Hercegovine, te kako bi se obezbijedilo poštivanje principa jednakog tretmana i konkurentnosti među svim ponuđačima, donesena je Odluka o stavljanju van snage odluke o izboru ponuđača „MIŠKO-GROUP“ d.o.o. Žepče za nabavku usluga čišćenja poslovnih prostorija Registra broj: 04-3-1702/26 od 05.03.2026. godine i ista je dostavljena ponuđačima.

Komisija je pristupila ponovnoj analizi dokumentacije priložene uz ponude u smislu provjere validnosti obzirom na iskazane zahtjeve ugovornog organa u tenderskoj dokumentaciji. Nakon detaljne analize svih pristiglih ponuda utvrđeno je sljedeće:

1. Ponuđač **„MIŠKO-GROUP“ D.O.O. ŽEPČE** je ispunio uslove propisane tenderskom dokumentacijom.

Shodno naprijed navedenom, Komisija je konstatovala da će se ponuđač „MIŠKO-GROUP“ D.O.O. ŽEPČE pozvati za sudjelovanje u e-aukciji.

2. Ponuđač **A&M Company d.o.o. Sarajevo** je ispunio uslove propisane tenderskom dokumentacijom.

Shodno naprijed navedenom, Komisija je konstatovala da će se ponuđač „A&M Company d.o.o. Sarajevo“ pozvati za sudjelovanje u e-aukciji.

Polazeći od gore navedenih konstatacija te činjenice da su ponude ponuđača **„MIŠKO-GROUP“ D.O.O. ŽEPČE** i **A&M Company d.o.o. Sarajevo** ispunile uslove propisane tenderskom dokumentacijom u pravnom, ekonomskom i tehničkom smislu te da su cijene njihovih ponuda u skladu sa procijenjenom vrijednosti Plana nabavke Registra za 2026. godinu, a tenderskom dokumentacijom je predviđeno održavanje e-aukcije ista je održana dana 18.03.2026. godine u 13:30 sati.

Konačna rang lista ponuđača koji su učestvovali u e-aukciji je:

R.br.	Naziv ponuđača	Konačna cijena u KM bez PDV-a
1.	A&M Company d.o.o. Sarajevo	7.948,00 KM
2.	„MIŠKO-GROUP“ D.O.O. ŽEPČE	7.950,00 KM

Komisija je predložila Upravi Registra izbor ponuđača kao u dispozitivu iz razloga što je navedeni ponuđač dostavio prihvatljivu cijenu ponude te ponuda zadovoljava u potpunosti uvjete i zahtjeve definisane u tenderskoj dokumentaciji broj 04-3-1101/26. Uprava Registra je od strane Komisije obavještena o naprijed navedenom, te je donesena odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi u roku od 5 dana od dana prijema odluke. Žalba se podnosi putem Registra vrijednosih papira u Federaciji BiH.

Dostaviti:

1. Ponuđačima;
2. Arhivi Registra;



Direktorica
Gordana Vujović